

« les reparations et embellissements dudict hostel com-  
« mung.

« Sensuict la teneur dudict prisfaict passé a maistre  
« Philippe Laliame, sculpteur demeurant a Lyon :

« Personnellment establis nobles Arthur Henry, seigneur  
« de la Salle, conseiller du Roy, son maistre d'hostel  
« ordinaire, Prevost des Marchans; Pierre Pollaillon,  
« Thomas de Bartholy, conseiller du Roy, recepveur  
« general et provincial des deniers de la generalité de Lyon,  
« Vincent Richard, seigneur de la Baroliere et Charles  
« Noirat, eschevins de ladicte ville et communauté de  
« Lyon, lesquels en ladicte qualité ont convenu et faict  
« marché avec Philipe Lalliamme, maistre sculpteur demeu-  
« rant a Lyon, present, de faire et parfaire en la maison de  
« la Couronne nouvellement acquise pour y faire l'hostel  
« de ville, en laquelle lesdicts sieurs prevost des marchans  
« et eschevins ont ce jourd'huy prins possession accompa-  
« gnés de messieurs les ex consuls qui ont esté cy devant  
« en charge de Prevost des marchans et eschevins, pour ce  
« pris et mandés.

« Asscavoir : pour le Portail de ladicte Maison, cy devant  
« faict du costé de la rue Vandran, aultrement de la Pol-  
« laillerie, et dans l'enfonsement au dessus de ladicte porte,  
« faire une table d'attente avec son architecture a l'entour,  
« les armoiries de ladicte ville tenues par deux Lyons aux  
« costés. Le tout en pierre blanche hormis la table d'attente  
« qu'il sera tenu de faire de bonne pierre de St Cire, icelle  
« polie et lustrée en forme de marbre, y graver les lettres  
« qui luy serons données, dorer icelles lettres.

« *Item*, sur la grand court du costé de ladicte rue Van-  
« dran, dicte de la Pollaillerie, et a main droicte d'icelle  
« entre le petit advis de pierre et les cabinets voultés du